

za toleř předać. — Ze sylzami syć a z radosću žnjeć.  
— Z deščika ćekać a pod skap so stupić. — Z huslemi  
dobyć a z khartami wotbyć. — Z woprědka nochć a po  
khwiley lochć.

V.

**Přirunanki z přidawnikami abo kajkostnikami na ćole.**

Bajawy kaž bambora. — Běhawa (běhata) kaž  
beja. — Běla kaž bončawa (hatna lilija). — Běla kaž  
knot. — Běla kaž smjerć. — Běla kaž sněh. — Běla  
kaž lonši sněh a lětuše blóto. — Bity. Taj staj na jene  
kopyto bitaj. — Bite na prawe kopyto. — Bite na  
wopak kopyto. — Bjezdomna žónska kaž kokula. —  
Błudna kaž kołwrotna wowea. — Błuki do wočow kaž  
mróćny dzeń. — Błyskoćiwe kaž rosa we slóněku. —  
Blakate kaž krjepjena kokoš. — Blěda kaž powzka. —  
Blěda kaž smjerć. — Blědy kaž sydrjec. — Blizko kaž  
pod nosom. — Bodzaty kaž byrstuc (boran). — Bohata  
kaž myška we cyrkwi. — Bohaty kaž slěborny Pětr  
(we Budyšinje). — Bohaty kaž Salomon. — Bojazna  
kaž wudra. — Bojazny kaž zaječk. — Bórčata kaž čmjeła.  
— Bosy kaž husy a kački. — Brinkoćiwe kaž škleńca.  
— Brjuchaty kaž dokormjeny woł. — Brodaty kaž  
(Ratarjowski) kozoł. — Brodaty kaž wěćny žid. — Bro-  
jaty kaž tón zhubjeny syn. — Bruna kaž něšpula. —  
Bruny kaž sornik.

Cybnjeny kaž kuntka. — Časny kaž prućik. —  
Čerstwa kaž jutrowna woda. — Čerwjena kaž róža  
(makowy kwětk). — Čerwjena kaž čorlach a purpur. —  
Čerwjeny do wočow kaž warjeny rak. — Čerstwe kaž  
žórlaca (studnjaca) woda. — Čestna kaž beja. — Čestna  
kaž ćula. — 400. Čestna kaž klóštýrska knježna. — Činjene  
po přećelstwje. — Čista kaž bělene jejko. — Čista kaž  
ranca. — Čiste a lute kaž trjebany hroch. — Čiste kaž  
žórlaca woda. — Čorna kaž kawka. — Čorne kaž  
ćelna plachta. — Čorne kaž kotlikowy spódk. —  
Čorne kaž mortwy wuhel. — Čorne kaž šudlica. —  
Čorny kaž bobak. — Čorny kaž Mór. — Čorny kaž